

## Visoko dobilo novi park, obnovljena i sportska

Poznato po bogatoj historiji i kulturnom naslijeđu, Visoko je otvorilo novo poglavlje u sportu, rekreaciji i turizmu. Dvorana KSC "Mladost" prošla je kroz temeljnu rekonstrukciju, a prošireni kapaciteti i moderniziran izgled sada ispunjavaju standarde Međunarodne rukometne federacije.



# Pogled Naprijed

Visoko – 29. februar 2028. – 0,00KM

VIJESTI IZ BUDUĆNOSTI



## Nova saobraćajna infrastruktura u Visokom



Grad Visoko napravio je značajan korak ka modernizaciji svoje infrastrukture i unapređenju kvaliteta života građana izgradnjom dva nova mosta u Arnautovićima i Čekrekčijama. Most "Arnautovići" sada povezuje naselja Arnautovići, Mulići, Bosnići, Porječane, te omogućava lakši i sigurniji pristup prema Moštru i Dobrinju. Ovaj most poboljšava komunikaciju između naselja, olakšava kretanje i doprinosi boljoj povezanosti unutar grada.

## Otvoreni "Centri za zdravo starenje Visoko"

Visoko je dobilo važan resurs za osobe treće starosne dobi otvaranjem "Centara za zdravo starenje Visoko". Ovi centri postavljaju nove standarde u brizi o osobama treće starosne dobi, nudeći raznovrsne usluge i programe koji promovišu aktivan i zdrav način života.



## OBRAĆANJE NOSIOCA LISTE



## OBRAĆANJE KANDIDATA ZA GRADONAČELNIKA





***NAPRIJED!***

# Visoko dobilo novi park, obnovljena i sportska dvorana

Poznato po bogatoj historiji i kulturnom naslijeđu, Visoko je otvorilo novo poglavlje u sportu, rekreaciji i turizmu. Dvorana KSC "Mladost" prošla je kroz temeljnu rekonstrukciju, a prošireni kapaciteti i moderniziran izgled sada ispunjavaju standarde Međunarodne rukometne federacije. S novom tehničkom i informatičkom opremom, dvorana je spremna za domaća i međunarodna sportska takmičenja, uključujući evropska prvenstva. Visoko se time pridružilo gradovima poput Sarajeva, Zenice i Banje Luke, domaćinima velikih sportskih događaja.

Pored sportskih sadržaja, Visoko sada ima novi gradski park "Luka", koji je brzo postao omiljeno odredište svih generacija. Smješten u srcu grada, park uz jezerski kompleks nudi idealan ambijent za odmor i rekreaciju. U parku su moderna dječija igrališta, sportski tereni, i zelene površine za aktivnosti poput joge i šetnji. Tu je i kafe-restoran gdje posjetioci mogu uživati u gastronomskim specijalitetima u prirodnom okruženju. Gradske vlasti Visokog istakle su važnost ovih projekata za razvoj sporta, turizma i društvenog života. S obnovljenom dvoranom KSC "Mladost" i novim gradskim parkom "Luka", Visoko se pozicionira kao moderno središte koje privlači sportiste,



turiste i rekreativce iz cijele Bosne i Hercegovine i šire. Ovi sadržaji obogaćuju svakodnevni život građana Visokog i doprinose razvoju lokalne privrede kroz povećan priliv posjetilaca i organizaciju raznih događaja. "Naš cilj je da Visoko postane prepoznatljiv centar ne samo po kulturnom naslijeđu, već i kao destinacija s vrhunskim sportskim i rekreativnim

sadržajima", poručio je gradonačelnik Elvedin Šabanović te se zahvalio još jednom vijećnicima u Gradskom vijeću Visoko, a posebno vijećnicima pokreta Naprijed!

## Priče sa kojima se ponosimo

# Gimnazija dobila novu salu s bazenom, otvorena i galerija "Likum 76"

Grad Visoko bogatiji je za dva značajna projekta koja doprinose razvoju obrazovanja i kulture. Završeni su radovi na izgradnji moderne školske sale s bazenom u Gimnaziji "Visoko". Ova sala pruža vrhunske uslove za sportske aktivnosti i obrazovanje, te će značajno unaprijediti školski program i omogućiti učenicima sticanje novih vještina u skladu sa savremenim standardima.

Istovremeno, grad Visoko je dobio novo kulturno središte – Javnu ustanovu Galerija "Likum 76". Ova galerija, zajedno sa Zavičajnim muzejom, postala je ključna tačka za prezentaciju kulturno-historijskog i prirodnog naslijeđa Visokog. Galerija nudi prostor



za izložbe, radionice i umjetničke događaje, koji će okupljati lokalnu zajednicu i posjetioce iz šire regije. Ovaj kulturni centar obogaćuje kulturnu ponudu grada, omogućavajući veću vidljivost i valorizaciju kulturnih i historijskih resursa Visokog.

Ova dva projekta predstavljaju značajan korak naprijed za Visoko, omogućujući građanima

bolje uslove za obrazovanje, rekreaciju i kulturno uzdizanje. Gradska uprava visoko na čelu s gradonačelnikom Elvedinom Šabanovićem ovim inicijativama potvrđuje svoju posvećenost razvoju kvalitetnog životnog okruženja, čime osigurava da svi građani imaju pristup savremenim obrazovnim i kulturnim sadržajima.

## Nova saobraćajna infrastruktura u Visokom




Foto: visoko.ba

Grad Visoko napravio je značajan korak ka modernizaciji svoje infrastrukture i unapređenju kvaliteta života građana izgradnjom dva nova mosta u Arnautovićima i Čekrekčijama. Most "Arnautovići" sada povezuje naselja Arnautovići, Mulići, Bosnići, Porječane, te omogućava lakši i sigurniji pristup prema Moštru i Dobrinju. Ovaj most poboljšava komunikaciju između naselja, olakšava kretanje i doprinosi boljoj

povezanosti unutar grada. Slično tome, most "Čekrekčije", koji je jedina putna komunikacija između istoimene stambeno-poslovne zone i regionalne ceste R-445, od velike je važnosti za svakodnevni život stanovnika i poslovnih subjekata u tom dijelu grada. Izgradnja mosta omogućava brži pristup radnim mjestima i obrazovnim ustanovama, smanjuje saobraćajne gužve i povećava sigurnost.

Ovi mostovi povezuju različite dijelove Visokog, otvarajući mogućnosti za širenje stambenih i poslovnih zona.

Novi kružni tok u OZRakovićima smanjuje gužve i poboljšava protok saobraćaja, olakšavajući pristup radnim mjestima i trgovinama. Povećana sigurnost za vozače i pješake doprinosi

modernizaciji saobraćajne mreže u Visokom.

Poboljšana infrastruktura i saobraćajna sigurnost pozitivno utiču na ekonomski razvoj, olakšavajući pristup poslovnim zonama i privlačeći investicije. Građanima je poboljšan svakodnevni život, dok se otvaraju nove perspektive za razvoj grada. Projekti su primjer uspješne saradnje lokalne uprave i građana u stvaranju boljih uslova za život i rad.

## Prilika za investitore: Javni poziv za izgradnju aerodroma

Visoko je spremno za značajan razvoj nakon što su uklonjene administrativne prepreke vezane za pravni status JP Aerodrom. Grad je otvorio poziv za investitore koji su zainteresirani za izgradnju aerodroma, što obećava značajan doprinos



Foto: Canva / Bljesak.info

ekonomskom, turističkom, uslužnom i trgovačkom razvoju Visokog.

Ovaj ambiciozni projekt može transformisati Visoko u regionalni centar, stvarajući nove prilike za rast i otvaranje radnih mjesta. Aerodrom će grad učiniti pristupačnijim turistima, poslovnim ljudima i investitorima, dodatno podstičući lokalnu privredu i pozicionirajući Visoko kao ključnu tačku u regionalnim saobraćajnim koridorima.

## Priče sa kojima se ponosimo

# Otvoreni "Centri za zdravo starenje Visoko"



Foto: mirovina.hr

Visoko je dobilo važan resurs za osobe treće starosne dobi otvaranjem "Centara za zdravo starenje Visoko". Ovi centri postavljaju nove standarde u brizi o osobama treće starosne dobi, nudeći raznovrsne usluge i programe koji promovišu aktivan i zdrav način života. Cilj centra je poboljšanje kvaliteta života starijih osoba, kroz aktivnosti koje potiču njihovu fizičku, mentalnu i socijalnu dobrobit.

Pored osnovnih usluga, "Centri za zdravo starenje Visoko" nude prilike za međugeneracijsku saradnju. Kroz programe stažiranja i volontiranja, mladi imaju priliku sticati praktična znanja i vještine, dok stariji

korisnici dobivaju potrebnu pažnju i pomoć. Ova međugeneracijska interakcija omogućava starijim osobama da ostanu uključene u društvo, dok mladima pruža vrijedno iskustvo i širi njihovo razumijevanje o potrebama starijih.

Centar također organizira edukativne radionice, rekreativne aktivnosti i zdravstvene programe, čime doprinosi očuvanju zdravlja i vitalnosti svojih korisnika. Uz podršku stručnog osoblja, stariji građani imaju priliku da aktivno učestvuju u zajednici i održavaju svoje mentalno i fizičko zdravlje.

Ovaj projekat predstavlja važan korak ka osiguravanju dostojanstvenog i kvalitetnog starenja u Visokom, a "Centar za zdravo starenje Visoko" se ističe kao primjer kako lokalna zajednica može odgovoriti na potrebe svojih starijih članova.

# GRADONAČELNIK GRADA

# VISOKO ELVEDIN ŠABANOVIĆ

Dragi Visočani,

Jednom je neko rekao "Pametnan misli šta govori!" Vijesti koje ste upravo pročitali u ovom materijalu dolaze iz budućnosti kakvu želimo! Važno je napomenuti da imidž političke stranke ne može i ne treba zavisiti samo od jedne osobe, uključujući i pokret Naprijed! Visoko. Politička iskustva iz prethodnih sedam izbornih ciklusa pokazuju da je ovo uvijek bio prioritet lokalnih politika.

Suštinsko je pitanje u čemu je razlika između kriterija građana i kriterija političkih stranaka?

Građani Visokog traže etičnog lidera koji svojim radom i primjerom odražava odgovornost i teži društvenom dobru. Naš cilj je uspostaviti transparentno i efikasno upravljanje resursima te unaprijediti poslovno okruženje kako bismo zadovoljili potrebe svih građana i privukli investitore.

Rođen sam 28. oktobra 1981. u Sarajevu. Osnovno i srednje obrazovanje završio sam u Visokom, a diplomirao biologiju na Prirodno-matematičkom fakultetu u Sarajevu. Magistarsku tezu i doktorsku disertaciju iz ekologije i zaštite životne sredine završio sam 2013. na Univerzitetu u Sarajevu, odnosno 2022. na Univerzitetu u Tuzli.

Bio sam direktor Zavičajnog muzeja u Visokom, docent sam na Tehničkom fakultetu na Univerzitetu Privredna Akademija Brčko distrikta BiH. Objavio sam mnoge radove i knjige i aktivan sam u više naučnih projekata u BiH, Hrvatskoj i Crnoj Gori.

Kao vijećnik Općinskog vijeća Visoko djelovao sam u periodu 2016-2020, predložen sam za Povelju Grada Visoko u 2023. zbog doprinosa u razvoju i zaštiti okoliša u Visokom i BiH.



# ELVEDIN ŠABANOVIĆ

**KANDIDAT ZA  
GRADONAČELNIKA**

Naš Program "4 PLUS 4" fokusira se na sveopći razvoj Visokog u ključnim oblastima:

1. Ekonomiji i ekologiji;
2. Infrastrukturi i komunalnoj djelatnosti;
3. Obrazovanju, nauci, kulturi i sportu;
4. Javnom upravljanju.

Identifikovali smo četiri regije u Visokom za fokusiranje na sveopći razvoj Visokog kako bismo osigurali kvalitetan život u svih 26 mjesnih zajednica:

1. Regija Moštre: devet mjesnih zajednica;
2. Regija Gračanica: četiri mjesne zajednice;
3. Bučko-Kralupsko-Goduška regija: četiri mjesne zajednice;
4. Urbano gradsko područje: devet mjesnih zajednica.

U gradskoj administraciji imamo skoro 50 projekata čija je dokumentacija završena, na reviziji ili spremna za prezentaciju. Neki od njih uključuju:

- Rekonstrukciju saobraćajnice Buci-Goduša;
- Izgradnju pješačke staze uz put Moštre-Radovlje;
- Uređenje lijeve obale rijeke Bosne i kolektora otpadnih voda;
- Nastavak gradskog kolektora od petlje (Konzum) do stočne pijace;
- Sanaciju betonskog mosta preko rijeke Bosne (R445);
- Izgradnju pješačke staze u naselju Šareni Hanovi;
- Sanaciju Kožarskog mosta.

Ovi projekti često su prilagođeni potrebama lokalnih izbora koji se održavaju svake četiri godine kada se iznova problematiziraju, bez jasnog napretka ili bilo kakvih pokazatelja u njihovoj realizaciji u proteklom vremenu. Sada je došlo vrijeme da se konačno realizuju!

**Više od 12 000 građana u Visokom još uvijek štiti!**

Danas se obraćam svima vama, onima koji redovno koriste svoje pravo glasa, ali i onima koji to pravo na izborima ne koriste. U našem gradu je više od 12.000 registrovanih birača koji iz različitih razloga ne glasaju na izborima. Ovo predstavlja jednu trećinu naše zajednice, što je, složiti ćete se, previše! Svaka vaša riječ i svaki vaš glas imaju moć! Lokalne izbore ne smijemo shvatiti kao obavezu, već kao priliku da oblikujemo budućnost našeg grada prema željama i potrebama svih nas. Zajedno možemo učiniti Visoko mjestom ponosa, razvijati našu infrastrukturu, poboljšati obrazovne i zdravstvene usluge, i stvoriti povoljnije uslove za mlade.

Pozivam vas da izađete na izbore, da se čuje vaš glas i da zajedno preuzmemo odgovornost za sudbinu našeg grada. Ne dozvolimo da naš glas ostane nečujan, već ga iskoristimo da ostvarimo promjene koje želimo vidjeti!

**ODLUČNO NAPRIJED, JER ZAJEDNO MOŽEMO UČINITI VISOKO JAČIM, BOLJIM I PRAVEDNIJIM MJESTOM ZA SVE NAS!**

Vaš gradonačelnik  
dr. sc. Elvedin Šabanović

Visoko  
**ODLUČNO  
NAPRIJED!**



# NOSILAC LISTE ZA GRADSKO VIJEĆE: TARIK SMAJIĆ



**TARIK  
SMAJIĆ**

**NOSILAC LISTE ZA  
GRADSKO VIJEĆE**

Poštovani sugrađani,

Danas, kao što svi znate, živimo u vremenu kada su promjene neophodne. Naša zajednica, naš grad, zaslužuje bolju budućnost, i to je ono što me dalje motivira. Rođen 6. augusta 1996. godine, odrastao sam u Visokom uz vrijednosti koje nas vežu – vrijednosti koje se temelje na uzajamnom poštovanju, radu i odgovornosti.

Kao zamjenik direktora kompanije "Vizija" d.o.o. u Visokom, svjestan sam budućnosti koja nas očekuje. Naša privreda treba podršku, a naši poljoprivrednici zaslužuju sistem koji će im omogućiti da razvijaju svoje potencijale. Znamo da su izazovi s kojima se suočavamo veliki, bilo da se radi o ekonomskim preprekama, ili nedostacima u infrastrukturi. No, uvjeren sam da zajedničkim snagama možemo pronaći rješenja.

Gradska uprava, na čelu sa vizijom koju želim podijeliti s vama, mora postati servis svim građanima. To znači efikasno rješavanje zahtjeva svakog pojedinca, otvorenu komunikaciju i suradnju sa svim sektorima – od zdravstva do obrazovanja, od privrede do kulture, bez obzira na složenost postojećih nadležnosti. Naš pristup će biti transparentan i inkluzivan.

Želim se osloniti na vas, dragi sugrađani. Zajedno možemo graditi mostove među raznim segmentima našeg društva. Želim vas čuti, vaše ideje i prijedloge jer vi ste ti koji najbolje poznajete potrebe naše zajednice. Kroz naš Program "4 PLUS 4" zajedno možemo i moramo razvijati strategije koje će osigurati održiv rast i prosperitet za sve u Visokom.

Grad Visoko mora biti mjesto u kojem svako ima jednake prilike za uspjeh, gdje mladima dajemo šanse, a starijima poštovanje i dostojanstvo. Vrijeme je da preuzmemo odgovornost za naš grad i upravljamo njime na način koji će nas sve obogatiti.

Zajedno, možemo stvoriti bolju budućnost, i zato učinite prvi korak sa mnom – budite aktivni sudionici promjene.

Nosilac kandidatske liste za Gradsko vijeće Grada Visoko  
Tarik Smajić, dipl. ing.

*Visoko*  
**ODLUČNO  
NAPRIJED!**

# Provjereni ljudi za novo gradsko vijeće!



## 2 Berina Alibegović

Berina Alibegović, rođena 1992. godine, diplomirala je na Fakultetu za upravu Univerziteta u Sarajevu i pred odbranom je master teze na Fakultetu političkih nauka, smjer "Upravljanje državom". Stekla je iskustvo u Službi kabineta gradonačelnika Visokog i kao član Stručne službe Gradskog vijeća. Njeni prioriteti uključuju stvaranje jednakih uslova za sve građane Visokog, bez stranačkih pogodovanja i sa fokusom na kvalitet, znanje i iskustvo. Posvećena je jačanju institucija, ekonomskom i društvenom razvoju, te privlačenju međunarodnih fondova i organizacija za unapređenje zajednice, s posebnim naglaskom na poljoprivredu.



## 3 Hadis Zukić

Hadis Zukić, rođen 1980. godine, diplomirao je na Fakultetu za menadžment i poslovnu ekonomiju. Svoja iskustva želi koristiti za poboljšanje uslova života u Visokom. Zagovara pravedno i pošteno upravljanje resursima u Visokom, s fokusom na stalni razvoj svih dijelova grada i poboljšanje životnih uslova. Njegovi planovi uključuju održivi razvoj kroz unapređenje obrazovanja, što obuhvata finansiranje takmičenja učenika u znanju i sportu, povećanje stipendiranja, sufinansiranje prevoza učenika te bolje planiranje dokvalifikacije i prekvalifikacije nezaposlenih. Također, boriće se za kontinuirano finansiranje infrastrukturnih projekata za obrazovne i kulturne institucije u Visokom.



## 4 Tarik Lemeš

Tarik Lemeš, rođen 1995. godine, mlad je i ambiciozan građevinski stručnjak. Nakon završetka srednje građevinske tehničke škole, stekao je iskustvo radeći na izgradnji Vc koridora, jednog od ključnih infrastrukturnih projekata u BiH. U interesu građana Visokog teži održivom razvoju infrastrukturnih projekata i poboljšanju uvjeta života kroz profesionalnu realizaciju kapitalnih ulaganja. Zalaže se za transparentnije procese u javnim nabavkama, poboljšanje komunalnih usluga i jačanje javnog sektora u Visokom, kao i za proširenje distributivne gasne mreže s ekonomskim pogodnostima za građane i privredne subjekte.



## 5 Almedina Jusić

Almedina Jusić je magistar cestovnog saobraćaja s više od 15 godina iskustva kao rukovoditelj stanice tehničkog pregleda vozila "A & Bonus" d.o.o. Visoko, podružnice Asa Testing centra. Rođena 1984. godine, poznata je po posvećenosti i izvrsnim odnosima s inspekcijским institucijama. Ističe se u prometnoj logistici, prometnom pravu i zaštiti okoliša, s ciljem jačanja lokalne zajednice u Visokom. Vjeruje da je znanje ključ uspjeha i posvećena je obrazovanju i unapređenju vještina. Njena strast za prometom i ekologijom doprinosi kreiranju politika koje unapređuju kvalitet života građana Visokog.



## 6 Mehmed Begić

Mehmed Begić, rođen 1982. godine, srednju stručnu spremu stekao je u Visokom, gdje je započeo obrazovanje i razvoj vještina koje su ga kasnije dovele do značajnih profesionalnih uspjeha. Tokom karijere stekao je iskustvo u upravljanju timovima i organizaciji poslovnih procesa, posebno na rukovodećoj poziciji u kompaniji Prevent Leather (2003-2015). Nakon toga, usmjerava se na razvoj vlastitih poduzetničkih inicijativa..., oženjen je i otac dvoje djece. Poznat je po angažmanu u zajednici i želji za unapređenjem života svih građana. Aktivno govori turski i engleski, što mu omogućava širu komunikaciju i mrežu kontakata. Njegova vizija za budućnost uključuje jačanje lokalne ekonomije i poboljšanje prilika u Visokom.

# Provjereni ljudi za novo gradsko vijeće!



## 7 Sanita Čabaravdić

Sanita Čabaravdić je student Ekonomskog fakulteta u Sarajevu. Rođena je 2001. godine. Svoju političku kandidaturu za Gradsko vijeće Grada Visokom vidi s ciljem unapređenja kvaliteta života građana kroz poticanje obrazovanja mladih i stvaranje programa za zapošljavanje nezaposlenih. Želi stvoriti okruženje u kojem se čuje i poštuje glas svih građana, u kojem se zajedno radi na boljoj budućnosti. Želi aktivno sudjelovati u donošenju odluka koje će poboljšati život u Visokom.



## 9 Adela Avdagić

Adela Avdagić je mlada perspektivna politička kandidatkinja rođena 2002. godine. Nakon završetka srednje Ekonomske škole u sklopu MSS "Hazim Šabanović" u Visokom, svoje napore usmjerila je ka aktivizmu i borbi za prava mladih, prepoznajući izazove s kojima se mladi suočavaju u današnjem društvu. Njena politika fokusira se na poboljšanje uslova obrazovanja, kao i na stvaranje većih mogućnosti za mlade, s ciljem osnaživanja njihove uloge u društvu i omogućavanja perspektivnog života. Strastvena je zagovornica promjena koje će dovesti do održivog razvoja i bolje budućnosti za sve mlade ljude u njenoj zajednici. Kroz svoj angažman, namjera joj je da doprinese aktivnijem i produktivnijem mladalačkom udjelu u donošenju odluka koje se tiču njihovih života u Visokom.



## 10 Izudin Uzunalić

Izudin Uzunalić, rođen 1981. godine, pohađao je Medresu "Osman ef. Redžović" u Gračanici, gdje je stekao temeljno obrazovanje i oblikovao se kao osoba posvećena vrijednostima zajednice i tradicije. Potječe iz šehidske porodice. Njeguje porodične vrijednosti kao što su solidarnost i uzajamna podrška. Iako dosad nije bio član neke političke opcije, njegov društveni angažman i želja da doprinosi zajednici potiču ga na aktivno sudjelovanje u političkom životu. Njegov politički pristup fokusira se na očuvanje identiteta, izražavanje glasova građana i promicanje zajedničkih interesa. Želi poboljšati položaj boraca, ratnih invalida i porodica šehida.



## 11 Safija Hajlovac

Safija Hajlovac sa srednjom stručnom spremom radi u oblasti trgovine. Dugogodišnji je zaposlenik u kompaniji Vispak u Visokom, gdje daje veliki doprinos sektoru proizvodnje. Njena predanost i radna etika prepoznati su od strane kolega i nadređenih, što je učinilo da postane važan dio tima u ovoj kompaniji. Rođena je 1977. godine. Kao aktivna članica svoje zajednice u Malim Trnvcima, naročito se zalaže za unapređenje lokalne ekonomije i socijalne politike. Njena strast za rad s ljudima i želja za pozitivnim promjenama motivirale su je da se uključi u politiku kako bi poboljšala uvjete života u zajednici i potaknula žene na aktivnije sudjelovanje u političkom životu Visokog.



# Provjereni ljudi za novo gradsko vijeće!



## 12 Alina Ohran

Alina Ohran, rođena 1996. godine, po zanimanju je tekstilni konfekcioni tehničar, a svoju karijeru započela je u kompaniji Alma Ras u Visokom, gdje trenutno obavlja poslove krojenja. Ističe se posvećenim radom i stručnošću u tekstilnoj industriji, što joj je omogućilo da razvije duboko razumijevanje potreba i izazova radnika u ovom sektoru. U cilju interesa građana Visokog zalaže za poboljšanje radnih uslova i prava radnika. Njena strast prema unapređenju kvaliteta života građana i želja za stvaranjem pravednije i pristupačnije zajednice motivisale su je da uđe u politički život. Teži ka stvaranju otvorenog i inkluzivnog dijaloga između građana i lokalnih vlasti.



## 13 Ehlimana Džafić

Ehlimana Džafić, rođena 1989. godine, kao istaknuta sindikalna članica aktivno se bori za prava radnika, s posebnim fokusom na unapređenje radnih uslova i zaštitu prava zaposlenih. Pored sindikalnog angažmana, aktivna je u nevladinim i humanitarnim organizacijama, gdje se zalaže za socijalnu pravdu i podršku marginalizovanim grupama. Zalaže se za poboljšanje socijalne pomoći i zaštitu svih građana Visokog, s posebnim fokusom na žene i djecu. Njena vizija uključuje stvaranje perspektivnog okruženja koje omogućava ljudima da ostvare svoje potencijale i doprinesu razvoju zajednice. Sa snažnim osjećajem za društvenu odgovornost, teži pravednijem i ravnopravnijem društvu u Visokom.



## 14 Osman Hasandić

Osman Hasandić, rođen 1967. godine, završio je srednju elektrotehničku školu i stekao znanje koje mu je omogućilo aktivno uključivanje u radnu zajednicu. Potekao je iz porodice koja je izgubila dva odlikovana brata. Njegov politički angažman fokusiran je na ukidanje diskriminacije, podršku porodicama boraca, ratnih vojnih invalida i porodicama šehida, te smanjenje siromaštva. Posebno se zalaže za osnaživanje ovih porodica i pružanje konkretne pomoći. Svjestan je izazova s kojima se suočavaju penzioneri, uključujući troškove lijekova. Vjeruje da se ključne promjene mogu postići iskrenom i otvorenom komunikacijom sa građanima, protivući se "politikantskom jeziku".



## 15 Elmin Gladović

Elmin Gladović je rođen 2004. godine. Svakodnevni kontakt s ljudima omogućava mu da iz prve ruke razumije njihove probleme i potrebe. Njegova iskrenost i otvorena komunikacija, posebno s vršnjacima, ključni su za njegov osobni pristup. Zagovornik je aktivnog sudjelovanja mladih u političkom životu, vjerujući da su mladi neizostavni dio rješenja problema s kojima se suočava društvo. U interesu građana Visokog zalaže se za promicanje programa koji će osnažiti mlade ljude kroz edukaciju, zapošljavanje i aktivno sudjelovanje u društvenim procesima kao i stvaranje platformi za otvorenu komunikaciju između različitih generacija koje će poticati razvoj lokalnih inicijativa.



***NAPRIJED!***

# Mehmedović:

Poštovani,

svako od nas treba sebi postaviti logično pitanje: Zašto Naprijed?

Nakon agresije, Bosna i Hercegovina bila je duboko podijeljeno društvo, ali s ogromnim političkim kapitalom i ugledom u svijetu zbog vođenja odbrambeno-oslobodilački rat protiv mnoštva neprijatelja.

Etničku podjelu, koju su proizveli naši susjedi, vrijeme je dodatno učvrstilo, što je dovelo do podijeljenosti bh. društva u gotovo svim aspektima. Takvo stanje, u okvirima dejtonskog ustavno-pravnog uređenja, postaje neodrživo. Pozitivni politički kapital vremenom se topio da bi danas dostigao svoj minimum.

Ujedinjenje bosanskog društva je imperativ političkog pokreta NAPRIJED. Najmanje što nas spaja je bosanska državnost, pripadnost državi Bosni i Hercegovini, a to nas je spajalo i kroz povijest.

Zašto NAPRIJED? Zato što je status quo postao model koji će nas preskupo koštati kao državu. I danas smo zarobljeni u tom stanju, bez mogućnosti institucionalnog odgovora na izazove današnjice.

Nove geopolitičke okolnosti i izazovi su pred Bosnom i Hercegovinom. Naši mladi odlaze zbog pravne i životne nesigurnosti uzrokovane teškom političkom situacijom u Bosni i Hercegovini. Ne vide budućnost ovdje. Zato treba NAPRIJED! Dok cijene rastu, plate stagniraju. Ne oslanjajte se na statistike; pogledajte

šta možete kupiti za svoju platu. Vrijeme je da se zapitamo idemo li u pogrešnom smjeru. Moralna obnova društva je imperativ današnjice u Bosni i Hercegovini! Elementarni moralni principi su obaveza svakog člana zajednice. Zato treba NAPRIJED! Pokret koji će politikom kvaliteta obezbijediti osnovne vrijednosti u političkom životu naše zajednice i promijeniti negativan pogled na politiku i političare. NAPRIJED je već drugačiji od ostalih!

ZAŠTO NAPRIJED? Zato jer je MISIJA ovog pokreta upravo briga o svakom bh. čovjeku od rođenja do kraja života. Djelovati kao opoziciona stranka u Bosni i Hercegovini i izaći na izbore, a s obzirom na opću ekonomsku i društvenu krizu, bez sumnje je "Sizifov posao". No, postoji čuvena poruka Lava Nikolajeviča Tolstoja, ako se jedna grupa nečasnih ljudi domogne vlasti, nužno je da se nađe grupa časnih ljudi da im se suprotstavi. Ovo bi mogao biti jak motiv da se neko danas, posebno mladi ljudi, odluči i odvaži politički angažirati. Bosna i Hercegovina je posebna zbog svog jedinstvenog uređenja temeljenog na Dejtonskom sporazumu. Kao tranzicijska postsocijalistička država, postala je hibrid komunizma i kapitalizma, bez socijalne osjetljivosti.

Iako ima parlamentarnu demokratiju, vladajuće etničke oligarhije čine je autokratskom.

Sadašnji vlastodršci izgradili su tri zasebna režima po etnonacionalnom konceptu.

Trojka, odnosno ponašanje lidera ovih strana (SDP, NiP, NS), u bitnom se ne razlikuje od svojih prethodnika na vlasti. Jednostavno se čini kao da nema izlaza i rješenja ovog zamršenog čvora. Zato treba NAPRIJED!

Alternativa mora dati nadu Bosni i Hercegovini te njenim građanima.

Populizam je postao globalni trend, a razvojem društvenih mreža, ratnohuškačka retorika i govor mržnje u BiH ozbiljno su ugrozili multikulturalno naslijeđe naše zemlje. I najvećim svjetskim umovima teško je definirati političke i ideološke trendove koji Bosnu i Hercegovinu vuku u srednji vijek. S pozicije teorije političkih doktrina vrlo je teško razvrstati stranke na ljevicu, centar i desnicu. Političke anomalije stvaraju defetizam i beznađe, pa malo idealista pokušava promijeniti situaciju. Nekolicina njih okupila se oko stranke NAPRIJED. Vjerujemo u nesalomljiv bosanski duh, koji kroz historiju nalazi odgovore na sve izazove. Bosanski duh oživljava patriotizam i ljubav prema domovini, koju Bosanci svakodnevno iskazuju širom svijeta. Time je prožet Program pokreta NAPRIJED, kao i sve ono čime smo iznijeli viziju budućnosti naše domovine. Naša hrabrost da politički djelujemo unatoč "nemogućim misijama" dovoljno govori o nama. Želimo pokazati da smo drugačiji, s inovativnim političkim narativom i iskrenim namjerama. Naša su mjerila drugačija jer težimo biti pokret časnih i odvažnih ljudi koji imaju hrabrosti da ODLUČNO krenu NAPRIJED! Našoj domovini treba reset sistema i drugačiji kadrovski potencijal. Prije svega, treba joj društvo kompetencija i znanja, društvo poštenih i čestitih kadrova čiji je prag tolerancije na korupciju nulti.

E, zato NAPRIJED treba našoj domovini! Snaga bosanskog duha leži u našoj sposobnosti da prkosom i odlučnošću krčimo puteve koji vode NAPRIJED!



# Zvijezde, koraci i novi početak: Otkrijte simboliku logotipa NAPRIJED!

**Logo NAPRIJED! sastoji se od dva elementa: čovjeka i zvjezdica.**

Prikaz čovjeka koji korača naprijed simbolizira posvećenost političkog subjekta NAPRIJED! ka napretku. Zvijezde predstavljaju našu domovinu Bosnu i Hercegovinu, a istovremeno simboliziraju i Evropsku uniju, kojoj NAPRIJED! nastoji pridružiti našu domovinu.

Sam tekst "NAPRIJED" na logu blago je nagnut prema naprijed, što dodatno naglašava dinamiku za iskorakom i izlaskom iz stagnacije i teškoća koje nas trenutno opterećuju.

NAPRIJED za nas nije samo riječ, već obećanje, poziv na akciju i poziv na buđenje kolektivne svijesti. Boje našeg logotipa – plava i žuta – odabrane su kako bi odrazile simboliku zastave Bosne i Hercegovine, ali i zbog njihovog dubljeg značenja. Plava boja povezuje se s povjerenjem, lojalnošću i stabilnošću, dok žuta simbolizira optimizam, nadu i novi početak. Zajedno, ove boje šalju poruku da je NAPRIJED! politički subjekt na kojeg se možete osloniti da Bosnu i Hercegovinu povede NAPRIJED!.

Država kao imperativ, sigurnost, moralna obnova društva, iseljništvo, ekologija, mladi, neki su od temeljnih principa na kojem mi iz pokreta NAPRIJED! gradimo viziju dostojanstvenog i sigurnog života za sve građane Bosne i Hercegovine. Naša misija je da, kroz političku scenu BiH, postanemo pokret za transformaciju i ozdravljenje bosanskohercegovačkog društva, brinući o svakom čovjeku od rođenja do kraja života.

Pozivamo sve građane da budu dio promjena, da pokažemo bosanski inat kada je najteže. Naša budućnost je onakva kakvu želimo. Snaga bosanskog duha leži u našoj sposobnosti da s prkosom i odlučnošću krčimo puteve koji vode NAPRIJED!



NAPRIJED BOSNA I HERCEGOVINA!

Zmaja od Bosne 7  
71 000 Sarajevo  
info@naprijed.ba  
033/862 535  
www.naprijed.ba